

FRAMVEGIS 

 Miðstöð símenntunar

Ársskýrsla Stjórnar Framvegis 2013



2013

Stofnun

Framvegis miðstöð símenntunar er sjálfstætt rekin fræðslu- og símenntunarmiðstöð í eigu BSRB, Sjúkraliðafélags Íslands, Starfsmannafélags Reykjavíkurborgar, SFR stéttarfélags og Promennt ehf. Miðstöðin var sett á fót árið 2001 í þeim tilgangi að koma til móts við sí- og endurmenntunarpörf starfsgreina sem Heilbrigðisskólinn í Fjölbraut í Ármúla útskrifaði. Í dag eru megin verkefni Framvegis þrjúþætt og snúa að símenntun með áherslu á félags- og heilbrigðisstéttir, vottuðu námi á framhaldsskólastigi fyrir fullorðið fólk sem hefur stutta formlega skólagöngu og þróunarverkefnum sem tengjast þessum sviðum.

Með tilkomu aðildar BSRB að Fræðslumiðstöð atvinnulífsins árið 2010 varð Framvegis einnig skilgreindur hlutað-eigandi aðili með leyfi til þess að sækja um að kenna vottaðar námsleiðir Fræðslumiðstöðvarinnar.

Framvegis miðstöð símenntunar vinnur að markmiðum framhaldsfræðslulaga nr. 27/2010. Meginmarkmið miðstöðvarinnar er að bjóða vandað nám sem er hannað fyrir fullorðna námsmenn með stutta formlega skólagöngu að baki og auka þannig færni þeirra, þekkingu og veita þeim aukin tækifæri til þátttöku í samfélaginu. Samkvæmt samþykktum miðstöðvarinnar skal tilgangur hennar vera að stuðla að framboði á námstækifærum fyrir fólk á vinnu-markaði og auka gæði fullorðins- og starfsmenntafræðslu.

Hjá Framvegis er námsmaðurinn í fyrirrúmi, lögð er áhersla á fjölbreyttar kennsluaðferðir og að námsmaðurinn eigi jákvæða og lærdómsríka upplifun. Allt starfið tekur mið af því að um fullorðna námsmenn sé að ræða sem eru virkir þátttakendur og bera ábyrgð á eigin námi.

Árið 2013

Áfram var unnið að markmiðum nýrra laga um framhaldsfræðslu sem samþykkt voru árið 2010 og mikið lagt upp úr því að bjóða vottað nám Fræðslumiðstöðvar atvinnulífsins. Skrifað var undir nýjan þjónustusamning við Fræðslumiðstöð atvinnulífsins, sem og viðaukasamning vegna vottaðra námsleiða. Boðið var upp á Grunnám skólaliða í samstarfi við Reykjavíkurborg og Starfsmannafélag Reykjavíkurborgar á vorönn en farið var af stað með fjóra hópa í Skrifstofuskólanum á vorönn og fjóra hópa á haustönn. Mikil gróska var í símenntun fyrir sjúkraliða þar sem að vanda var boðið upp á sígild og sívinsæl námskeið í bland við nýjungar. Framvegis hlaut í mars mánuði 2013 formlega viðurkenningu frá mennta- og menningarmálaráðuneytinu til þess að annast framhaldsfræðslu á grundvelli laga nr. 27/2010 um framhaldsfræðslu.

Ársfundur Framvegis var haldinn föstudaginn 31. maí 2013. Viðsnúningur varð á rekstri Framvegis á árinu 2013. Árið 2012 var nokkuð erfitt í rekstri Framvegis og skilaði reksturinn tapi. Tekjustofnar héldu ekki að fullu í við verðlagsbreytingar og launaþróun og nokkuð skorti upp á að ætlun stæðist um fjölda þátttakenda. Árið 2013 tókst að ná jafnvægi í rekstri til að tryggja áframhaldandi sterkan rekstur Framvegis en í árslok 2012 var farið í aðgerðir til að lækka útgjöld í takt við tekjustofna.



Stjórn

Birna Ólafsdóttir, meðstjórnandi, formaður fræðslunefndar Sjúkraliðafélags Íslands og skrifstofustjóri

Guðmundur Pálmason, stjórnarformaður og framkvæmdastjóri Promennt ehf.

Jakobína Þórðardóttir, meðstjórnandi og framkvæmdastjóri Starfsmannafélags Reykjavíkurborgar

John Vilhjálmur Yeoman, meðstjórnandi og tæknistjóri Promennt ehf.

Jóhanna Þórdórsdóttir, varamaður í stjórn og fræðslustjóri SFR

Sigurður Friðriksson, varamaður í stjórn og skólastjóri Promennt ehf.



Starfsmenn

Stöðugildi hjá Framvegis voru samtals þrjú á árinu. Í kjölfar skipulagsbreytinga lét Elsa Björk Ásmundsdóttir af störfum í október sem skrifstofustjóri Framvegis eftir um sex ára starf. Framvegis þakkar henni vel unnin störf og óskar henni jafnframt velfarnaðar. Í fyrsta sinn í sögu fyrirtækisins var umsýsla með bókhald úthýst og var samið við Skilaborg ehf. þess efnis. Líney Jóhannsdóttir var ráðin til starfa sem verkefnafulltrúi með umsjón með almennum skrifstofustörfum, framkvæmd námskeiða, skráningu og innheimtu námskeiðsgjalda. Þá heldur verkefnafulltrúi utan um heimasíðu Framvegis og almennt kynningarstarf fyrirtækisins ásamt samstarfi við nemendur og leiðbeinendur. Ragnhildur B. Bolladóttir starfaði sem framkvæmdastjóri og bar ábyrgð á daglegum rekstri, stefnumótun og þróunarvinnu. Vigdís Þyri Ásmundsdóttir starfaði sem verkefnastjóri og sá um framkvæmd námskeiða og þróun náms. Starfsfólk Framvegis á mikið lof skilið fyrir að takast á við ný og krefjandi verkefni með miklum sóma.

Framvegis státar af úrvali sérfræðinga og ráðgjafa sem eru ráðnir sem verktakar við stofnunina. Fjöldi þeirra á árinu 2013 var um það bil 80.

Húsnæði

Framvegis er til húsa að Skeifunni 11 b í Reykjavík en þar fer kennsla að mestu leyti fram. Húsnæðið undir starfsemi Framvegis er samtals 259 fm að stærð. Framvegis hefur til afnota tvær fullbúnar kennslustofur með fjarkennslubúnaði sem gerir miðstöðinni kleift að vera í góðu samstarfi um fjarkennslu við símenntunarmiðstöðvar um allt land. Fjarkennslu hugbúnaðurinn býður einnig upp á þann möguleika að námsmenn geta setið heima hjá sér eða á vinnustað þar sem þeir tengjast námskeiðinu í gegnum netið. Þannig getur Framvegis komið enn frekar til móts við þarfir námsmanna. Auk skrifstofu starfsmanna býr miðstöðin að fundarherbergi, kaffistofu leiðbeinenda og starfsmanna, geymslu og opnu rými með aðstöðu fyrir námsmenn.

■ Gæðastarf

Framvegis miðstöð símenntunar hlaut gæðavottun samkvæmt European Quality Mark (EQM) gæðaviðmiðum í nóvember 2012 en með þeirri vottun var staðfest að starfsemin standist evrópskar kröfur um gæði fræðslu. Framvegis hlaut svo í mars mánuði 2013 formlega viðurkenningu til þess að annast framhaldsfræðslu á grundvelli laga nr. 27/2010 um framhaldsfræðslu. Allt fastráðið starfsfólk starfar eftir gæðaviðmiðum Framvegis, notast við þau eyðublöð og starfar eftir þeim verkferlum sem samþykktir hafa verið.

■ Þróunarverkefni

Framvegis miðstöð símenntunar hlaut styrki úr Þróunarsjóði framhaldsfræðslu til þess að þróa tvær námskrár. Annars vegar námskrá um grunnnám í kerfisstjórnun og hins vegar námskrá um Lyfjagerðarskóla. Þessum námskrám er ætla að mæta þörfum markhóps framhaldsfræðslulaga og sýnilegri þörf fyrir menntunarræði. Markmið með námi af þessu tagi er að styrkja stöðu fólks á vinnumarkaði með stutta formlega skólagöngu að baki og hvetja það til frekara náms.

Námskrá um grunnnám í kerfisstjórnun var unnin í samvinnu við Promennt og voru aðilar úr atvinnulífinu með sérþekkingu á greininni fengnir til ráðgefandi samstarfs og þarfagreiningar. Lögð var áhersla á að námið svari þörfum atvinnulífsins. Námskrá um Lyfjagerðarskóla var samstarfsverkefni Framvegis og Actavis, aðrir aðilar sem komu að vinnslu námskrárinnar voru Fjölbrautaskólinn við Ármúla og Starfsgreinaráð heilbrigðis-, félags- og uppeldisgreina. Ráðgert er að sækja um vottun mennta- og menningarmálaráðuneytis fyrir báðar þessar námskrár og þær verði í framhaldi af því gefnar út af Fræðslumiðstöð atvinnulífsins. Áætlað er að báðar þessar námskrár verði tilraunakenndar á árinu 2014 og teknar til endurskoðunar fyrir lokaútgáfu en hún verður aðgengileg vottuðum aðilum sem kenna samkvæmt námskrám Fræðslumiðstöðvar atvinnulífsins.

Framvegis lauk Markviss verkefni í lok júlí 2013 og skilaði af sér skýrslu og tillögu að sí- og endurmenntunaráætlun, fyrir þjónustufulltrúa á þjónustumiðstöðvum Reykjavíkurborgar, til Velferðarsviðs Reykjavíkur. Þróunarverkefnið var styrkt af mennta- og menningarmálaráðuneytinu.



■ Náms- og starfsráðgjöf

Framvegis auglýsir reglulega námsráðgjöf fyrir markhóp framhaldsfræðslulaganna sem situr lengri námsleiðir hjá miðstöðinni. Ráðgjöfin er skipulögð í samstarfi við Fræðslusetrið Starfsmennt. Ráðgjafi kemur frá Starfsmennt á settum tímum og veitir námsmönnum Framvegis ráðgjöf en verkefnastjóri Framvegis hefur umsjón með námsráðgjöf námsmanna á vegum Framvegis. Framvegis bauð öllum nemendum í námsleiðum sem kenndar eru samkvæmt vottuðum námsleiðum Fræðslumiðvöðvar atvinnulífsins náms- og starfsráðgjöf og hefur það mælst vel fyrir. Markmið ársins 2014 er að bjóða áfram öllum nemendum Framvegis í vottuðum námsleiðum Fræðslumiðstöðvar atvinnulífsins viðtal hjá náms- og starfsráðgjafa.

■ Önnur ráðgjöf og þjónusta

Tveir starfsmenn Framvegis miðstöð símenntunar, Ragnhildur B. Bolladóttir og Vigdís Þyri Ásmundsdóttir, útskrifuðust sem Markviss ráðgjafar en á árinu 2012 var farið af stað með fyrsta Markviss verkefnið sem var jafnframt lokaverkefnið í þjálfuninni. Markviss er aðferð til að vinna kerfisbundið að starfsmannaþróun í fyrirtækjum og stofnunum. Með Markviss er tekist á við þau verkefni fyrirtækja sem fela í sér skipulagningu menntunar, þjálfunar og annars sem tengist uppbyggingu starfsmanna, sjá: www.markviss.hugverk.is. Unnið var að greiningu starfsmenntunarþarfa þjónustufulltrúa á þjónustumiðstöðvum Reykjavíkurborgar.

■ Greining á fræðsluþörfum

Greining á fræðsluþörfum hefur farið fram í gegnum vinnu með fagráðum hjá Framvegis. Leitað hefur verið til stéttarféлага, framhaldsskóla, aðila með fagþekkingu (til dæmis Landlæknisembættisins og Háskóla Íslands) og aðila frá atvinnulífinu þegar fagráðin eru kölluð saman. Tvö fagráð hafa verið starfrækt hjá Framvegis: Fagráð um símenntun heilbrigðisstétta og Fagráð um símenntun starfsfólks í félagsþjónustu. Á árinu 2012 voru haldnir fagráðsfundir á vori og hausti. Á árinu 2013 mun starf fagráðanna halda áfram en einnig verður lögð áhersla á það að greina fræðsluþarfir sjúkraliða um allt land og finna leiðir í samvinnu við fræðslumiðstöðvar innan Kvasis til að koma til móts við þær þarfir. Leitast verður við að greina áfram fræðsluþarfir markhópsins innan BSRB.

■ Samstarf

Framvegis miðstöð símenntunar er aðili að Kvasir, samtökum fræðslu- og símenntunarmiðstöðva, sem og Leikn, samtökum fullorðinsfræðsluaðila á Íslandi. Framvegis miðstöð símenntunar á einnig í góðu samstarfi við aðra skóla, stéttarfélag, Reykjavíkurborg og símenntunarmiðstöðvar.

Námsvísir og kynningarefni

Framvegis miðstöð símenntunar gaf út tvo námsvísa árið 2013 þar sem framboð til símenntunar sjúkraliða var kynnt. Námsvísunum var dreift til allra félagsmanna Sjúkraliðafélags Íslands og til þeirra stofnana þar sem sjúkraliðar starfa. Framvegis heldur úti vefsíðu þar sem námsframboð sérhverrar annar er kynnt. Send voru fréttabréf til markhópa með vísan í vefsíðu Framvegis. Einnig tók Framvegis þátt í þeim viðburðum sem þóttu henta til að nálgast markhóp framhaldsfræðslu hverju sinni.



Fræðslustarfið 2013 í máli og myndum

Haldin voru um 50 námskeið og voru nemendastundir ársins 38.623 og fjölgar því um 600 á milli ára. Námskeiðin eru mjög ólík hvað varðar lengd, efnistöð og markhóp. Þó eru námskeiðin öll starfsþróunarnámskeið að því leyti að þau eru flest hugsuð með fólki á vinnumarkaði í huga. Námskeiðum er skipt í tvo hópa: Starfstengd námskeið og námsleiðir Fræðslumiðstöðvar atvinnulífsins. Starfstengd námskeið eru flokkuð annars vegar í símenntun sjúkraliða og hins vegar í námskeið haldin í samvinnu við Fræðslusetrið Starfsmennt.

Sjúkraliðar sem sóttu símenntun voru 712 og hefur þeim fjölgað lítillega. Helsta skýring á því er mjög góð aðsókn á námskeið Framvegis og stóðust sett markmið um nemendafjölda á námskeið.

Kennsla í námsleiðum sem kenndar eru samkvæmt vottuðum námsleiðum Fræðslumiðstöðvar atvinnulífsins hafa aukist undanfarin ár og er árið 2013 þar engin undantekning.

Meðalaldur þátttakenda hjá Framvegis árið 2013 var 45 ár og er mikill meirihluti þeirra konur eða um 93%.



■ Starfstengd námskeið

■ Sjúkraliðar

Haldin voru 29 námskeið fyrir sjúkraliða. Þrátt fyrir að námskeiðunum hafi fækkað lítillega þá fjölgaði þátttakendum námskeiðanna frá því að vera samtals 608 árið 2012 yfir í 712 árið 2013.


Símenntunarnámskeið sjúkraliða eru þróuð af starfsmönnum Framvegis ásamt fagráði miðstöðvarinnar. Fagráðið sem samanstendur af hinum ýmsu aðilum úr atvinnulífinu, fundaði með starfsmönnum Framvegis tvisvar sinnum á liðnu ári og út frá því var unnin þarfagreining. Einnig var unnið markvisst úr nemendamati námskeiðanna og þannig fengnar hugmyndir að námskeiðum frá þátttakendum. Markmiðið með þarfagreiningu er að bjóða upp fjölbreytt og fræðandi námskeið sem nýtast í starfi sjúkraliða og bjóða upp á fræðslu um málefni sem eru efst á baugi á hverjum tíma. Framvegis býður nemendum sínum upp á námskeið í fjarkennslu í beinni en þannig geta sjúkraliðar sótt námskeið Framvegis í gegnum fjarkennsluforrit óháð staðsetningu. Ekki er unnt að kenna öll námskeið með þessu móti en kennarar eru hvattir til að bjóða upp á þennan möguleika ef það hentar. Iðulega komast færri að en vilja í fjarkennsluna. Framvegis leggur mikinn metnað í gæði fjarkennslu og hefur fyrirkomulagið mælst vel fyrir, bæði hjá þátttakendum og leiðbeinendum.

■ Námsleiðir Fræðslumiðstöðvar atvinnulífsins

Námsleiðir Fræðslumiðstöðvar atvinnulífsins hafa orðið vinsælli með árunum. Mikil fjölgun námsleiða og nemenda var á milli árána 2011 til 2012 en sú fjölgun hefur haldið áfram. Á árinu 2013 voru kennd níu námskeið og voru nemendastundir 25.450.

■ Skrifstofuskólinn

Um er að ræða 240 kennslustunda nám sem ætlað er einstaklingum á vinnumarkaði, 20 ára eða eldri, með stutta formlega skólagöngu að baki. Sá hluti námsins sem fer fram í tölvu, tölvu- og upplýsingatækni ásamt bókhaldi, er kenndur hjá Promennt ehf. Samstarfið við Promennt ehf. gerir Framvegis kleift að bjóða upp á sveigjanleika í námi með fjarkennslu í beinni. Þetta þýðir að nemandi getur tekið þátt í námskeiði algjörlega óháð staðsetningu hans. Einnig hefur verið hægt að velja á milli morgun-, dag- og kvöldhópa og hefur sveigjanleikinn mælst vel fyrir. Á árinu 2013 luku átta hópar Skrifstofuskólanum hjá Framvegis, fjórir á vorönn og fjórir á haustönn. Um er að ræða mikla fjölgun frá fyrra ári en þá luku fimm hópar skólanum. Skrifstofuskólinn verður sífellt visælli kostur fyrir fólk í vinnu og komast færri að en vilja.



■ Grunnám skólaliða

Framvegis endurvakti námsleið Fræðslumiðstöðvar atvinnulífsins um Grunnám skólaliða, í samstarfi við Skóla- og frístundasvið og Starfsmannafélag Reykjavíkurborgar. Námið telur 70 kennslustundir og er markmið námsins að þátttakendur þekki til mismunandi aðstæðna og þarfa grunnskólabarna, sem og öðlist aukna færni til þess að efla samskipti við þau, samstarfsfólk og aðstandendur. Einn hópur lauk námi á vorönn.

■ Grunnám skólaliða

Í samstarfi við Skóla- og frístundasvið og Starfsmannafélag Reykjavíkurborgar fór námsleið Fræðslumiðstöðvar atvinnulífsins Grunnám skólaliða aftur af stað hjá Framvegis. Námið telur 70 kennslustundir og markmið námsins er að þátttakendur þekki til mismunandi aðstæðna og þarfa grunnskólabarna og öðlist aukna færni til þess að efla samskipti við þau, samstarfsfólk og aðstandendur. Tveir hópar luku námi á vorönn.

■ Starfsnám stuðningsfulltrúa

Framvegis er framkvæmdaraðili Starfsnáms stuðningsfulltrúa fyrir hönd Fræðslusetursins Starfsmennt, bæði hvað varðar grunnám 162 kennslustundir og framhaldsnám 84 kennslustundir. Framvegis sér um samskipti við leiðbeinendur, þjónustu við námsmenn og að vera þeim innan handar meðan á náminu stendur, ásamt því að veita þeim upplýsingar og stuðning. Um það bil 40 sérfræðingar leiðbeina á námskeiðinu. Einn hópur lauk grunnáminu á vorönn og einn hópur framhaldsnáminu á haustönn.

■ Rekspölur

Framvegis er framkvæmdaraðili námskeiðsins Rekspölur í samstarfi við Fræðslusetrið Starfsmennt. Námið telur 60 kennslustundir í almennu starfsnámi en áhersla er á að efla einstaklinginn, bæði í lífi og starfi. Námið er blanda af staðbundinni kennslu og fjarnámi. Rekspölur var haldið tvisvar á árinu.

Þá voru framkvæmd nokkur minni námskeið fyrir Starfsmennt, þar á meðal símenntun fyrir félagsmenn í Félagi íslenskra félagsliða, símenntun fangavarda og símenntun fyrir starfsmenn héraðsdómstóla.

■ Yfirlit yfir námskeið 2013

■ Sjúkraliðaámskeið 2013	Þátttakendur	Lengd	Nemendastundir
Sykursýki	21	15	315
Hjúkrun einstaklinga með taugasjúkdóma	18	10	180
Alzheimer	36	10	360
Umhirða og umgengni fylgihluta	15	10	150
Fjölskylduhjúkrun	16	10	160
Vöktun og öryggi sjúklinga	18	10	180
Batahvetjandi umhverfi	20	6	120
Hjúkrun einstaklinga í krabbameinsmeðferð	33	10	330
Sár og sárameðferð	19	15	285
Meðvirkni og hjúkrun	29	10	290
Hugræn atferilsmeðferð	31	15	465
Vannæring hjá öldruðum og langveikum	34	10	340
Taugasjúkdómar	21	15	315

Ávana-, fíknilyf og hjúkrun einst. með fíknisjúkdóma	29	20	580
Munnsjúkdómar - greining og meðferð	14	6	84
Auka: Vannæring hjá öldruðum og langveikum	25	10	250
Öldrunarbreytingar og andleg líðan eldri borgara	30	6	180
Vannæring hjá öldruðum og langveikum	25	10	250
Fjölskylduhjúkrun	29	10	290
Ofnæmi og ofnæmissjúkdómar	35	10	350
Ávana-, fíknilyf og hjúkrun einst. með fíknisjúkdóma	30	20	600
Auka. Alzheimer	24	10	240
Kulnun í starfi	23	15	345
Tannhirða aldraða	15	10	150
Núvitund og hjúkrun	13	20	260
Sjúkraflutningar	24	15	360
Alzheimer	35	10	350
Tengsl næringar við heilbrigði og holdafar	30	10	300
Sár og sárameðferð	20	15	300
Samtals	712	343	8.379

Námsleiðir FA	Fjöldi þátttakenda	Kst	Nemendastundir
Skrifstofuskólinn I - h1	12	240	2.880
Skrifstofuskólinn I - h2	9	240	2.160
Skrifstofuskólinn I - h3	13	240	3.120
Skrifstofuskólinn I - h4	11	240	2.640
Skrifstofuskólinn I - v1	15	240	3.600
Skrifstofuskólinn I - v2	15	240	3.600
Skrifstofuskólinn I - v3	16	240	3.840
Skrifstofuskólinn I - v4	13	240	3.120
Skólaliðar	7	70	490
Samtals	111	1.200	25.450

Starfsmennt	Fjöldi þátttakenda	Kst	Nemendastundir
Félagliðar 10. apríl 2013	15	4	60
Félagliðar 11. apríl 2013	15	4	60
Starfsnám stuðningsfullfrúa - grunnám, vor	12	162	1.944
Rekspölur I	14	60	840
Rekspölur II	11	60	660
Starfsnám stuðningsfullfrúa - framhaldsnám, haust	11	84	924
Vísdomur - Starfsmannasamtöl fangavarða	15	4	60
Vísdomur - Starfsmannasamtöl fangavarða	11	4	44
Vísdomur - Starfsmenn héraðsdómstólanna	16	4	64
Vísdomur - Meðferð einkamála	12	4	48
Áfangar - Starfsmannasamtöl	8	6	48
Áfangar - Starfsmannasamtöl	7	6	42
Samtals	147	402	4.794

Rekstrarreikningur ársins 2013

Rekstrarreikningur ársins 2013

	2013	2012	2011
Rekstrartekjur:			
Námskeið	28.892.047	27.694.785	44.154.253
Aðrar tekjur	46.443.750	30.955.050	16.821.500
	<u>75.335.797</u>	<u>58.649.835</u>	<u>60.975.753</u>
Rekstrargjöld:			
Aðkeypt vinna og þjónusta	35.142.341	22.406.785	15.617.233
Laun og launatengd gjöld	23.746.996	27.445.917	23.355.667
(Tap) hagnaður ársins	12.731.379	13.536.236	14.865.294
Afskriftir	814.235	490.566	863.963
	<u>72.434.951</u>	<u>63.879.504</u>	<u>54.702.157</u>
Rekstrar(tap) hagnaður fyrir fjármagnsliði	2.900.846	-5229669	6.273.596
Fjármunatekjur	1.346.946	1.422.008	1.061.894
	<u>4.247.792</u>	<u>-3.807.661</u>	<u>7.335.490</u>
(Tap) hagnaður fyrir tekjuskatt	4.247.792	-3.807.661	7.335.490
Tekjuskattur	92.743	0	1.467.098
(Tap) hagnaður ársins	<u>4.155.049</u>	<u>-3.807.661</u>	<u>5.868.392</u>

Efnahagsreikningur

	2013	2012	2011
Fastafjármunir:			
Varanlegir rekstrarfjármunir:			
Áhöld og tæki	2.031.477	1.394.862	1.885.428
Fastafjármunir	2.031.477	1.394.862	1.885.428
Veltufjármunir:			
Skammtímakröfur:			
Viðskiptakröfur	280.300	4.382	17.209
Aðrar skammtímakröfur	337.903	4.437.656	193.637
Handbært fé	37.274.289	33.300.072	42.696.331
Veltufjármunir	<u>37.892.492</u>	<u>37.742.110</u>	<u>42.907.177</u>
Eignir samtals	<u>39.923.969</u>	<u>39.136.972</u>	<u>44.792.605</u>

31. desember 2013

Eigið fé og skuldir	2013	2012	2011
Eigið fé:			
Hlutafé	10.200.000	10.200.000	10.200.000
Annað eigið fé	28.407.689	24.252.640	28.060.301
Eigið fé samtals	38.607.689	34.452.640	38.260.301
Skammtímaskuldir:			
Viðskiptaskuldir	67.885	908.875	1.518.221
Fyrirframinnheimtar tekjur	0	3.063.852	2.650.303
Skattar ársins	92.743	0	1.467.098
Aðrar skammtímaskuldir	1.155.652	711.605	896.682
	1.316.280	4.684.332	6.532.304
Eigið fé og skuldir samtals:	39.923.969	39.136.972	44.792.605

Yfirlit yfir sjóðsteymi árið 2013

	2013	2012	2011
Rekstarhreyfingar:			
(Tap) hagnaður ársins	4.155.049	-3.807.661	5.868.392
Rekstrarliðir sem hafa ekki áhrif á fjárstreymi:			
Afskriftir	814.235	490.566	863.963
Veltufé (til) frá rekstri	4.969.284	-3.317.095	6.732.355
Breytingar á rekstartengdum eignum og skuldum	455.783	-6.079.164	1.979.122
Handbært fé (til) frá rekstri	5.425.067	-9.396.259	8.711.477
Fjárfestingarhreyfingar:			
Keypt áhöld og tæki	-1.450.850	0	1.798.880
		0	1.798.880
Hækkun á handbæru fé	3.974.217	-9.396.259	6.912.597
Handbært fé í ársbyrjun	33.300.072	42.696.331	35.783.734
Handbært fé í árslok	37.274.289	33.300.072	42.696.331



FRAMVEGIS 
 Miðstöð símenntunar

Skeifan 11B | 108 Reykjavík | Sími 581 1900 | framvegis@framvegis | www.framvegis.is